



Concello da Coruña

Area / Unidade RR.HH PE0000 MALB	Documento 10818I0AH2	
Código de verificación  7366 5J0E 1Y2K 0F3T 0ZAD	Expediente 108/2022/1171	
	Data 02-10-2024	

ANUNCIO

Asunto: Recurso de reposición contra as bases da convocatoria dunha praza de técnico/a de administración especial, C.E. 7/16

O concelleiro delegado responsable de Economía e Planificación Estratéxica, por delegación da Xunta de Goberno Local, con data do 13 de setembro de 2024, adoptou a seguinte resolución:

Primeiro.- Desestimar as alegacións presentadas durante o trámite de audiencia acordado mediante resolución do Concelleiro delegado responsable de Economía e Planificación Estratéxica, de data 8/07/2024 (RES/AYT/12313/2024).

Segundo.- Estimar o recurso de reposición interposto pola Asociación Galega de Ambientólogos en relación á inclusión da titulación de grao en ciencias ambientais nas bases do proceso selectivo convocado, pola quenda libre, para a cobertura dunha praza de técnico/a superior de administración especial – Tec. Medio Ambiente - Residuos (subgrupo A1), C.E. 7/16, mediante resolución da Concelleira delegada de Facenda e Administración, do 20/06/2018 (BOP núm. 144, do 31/07/2018) e modificadas por resolución do 5/09/2018 (BOP núm. 202, do 23/10/2018).

Esta modificación supón a apertura dun novo prazo de presentación de solicitudes de 20 días hábiles, contados a partir do día seguinte ao da publicación do anuncio da modificación da convocatoria no BOE.

Terceiro.- Modificar as bases específicas do devandito proceso selectivo en relación ao prazo de presentación de solicitudes segundo se indica no apartado anterior, e en relación ao número e tipo de temas obxecto do terceiro exercicio da fase de oposición, en aplicación das bases xerais polas que se rexerán os procesos selectivos do Concello da Coruña para cubrir prazas vacantes de persoal funcionario de carreira, quenda libre, así como as prazas reservadas a promoción interna incluídas nas correspondentes OEP aprobadas por resolución do 12/04/2023 (BOP núm. 73, do 18/04/2023). A base específica 7.2.3 relativa ao terceiro exercicio quedará redactado nos seguintes termos:

“Terceiro exercicio: Consistirá en desenvolver por escrito, durante un tempo máximo de 120 minutos, dous temas, a elixir entre catro, da parte específica do temario anexo a esta convocatoria. Os catro temas serán obtidos mediante sorteo público realizado polo tribunal inmediatamente antes do comezo do exercicio.



Concello da Coruña

O tribunal valorará que as respostas se axusten aos contidos dos epígrafes dos temas elixidos, a estrutura da exposición, a claridade e orde das ideas, a precisión da linguaxe utilizada e a capacidade de síntese.

O exercicio será cualificado cun máximo de 30 puntos. Cada tema cualificarase cun máximo de 15 puntos, sendo necesario acadar unha puntuación mínima de 7,5 puntos en cada un deles para superalo. As persoas aspirantes que non acaden esta puntuación mínima serán eliminados. O tribunal determinará o nivel de coñecementos esixidos para acadar a devandita puntuación mínima de conformidade cos criterios anteriormente descritos.

Ao remate do exercicio as persoas aspirantes poderán levar unha copia da súa resposta.”

Paralelamente, en aplicación da base específica 7.2 as normas de dereito positivo relacionadas no temario que fosen derogadas parcial ou totalmente serán actualizadas por aquelas que procedan á súa derogación parcial ou total.

Cuarto.- Publicar o texto íntegro das bases coas modificacións indicadas no BOP e na páxina web do Concello (www.coruna.gal). O anuncio desta modificación da convocatoria será publicado no DOG e no BOE.

Quinto.- De acordo co previsto na Lei 39/2015, do 1 de outubro, do Procedemento Administrativo Común das Administracións Públicas, e na Lei 29/1998, do 13 de xullo, reguladora da Xurisdición Contencioso-Administrativa, contra a presente resolución, poderá interpoñerse recurso contencioso-administrativo ante o órgano xurisdiccional que corresponda no prazo de dous meses, a contar desde o día seguinte ao da súa notificación. Non poderá interpoñerse novo recurso administrativo contra a resolución dun recurso de reposición, salvo o extraordinario de revisión, cando proceda.

A Coruña, na data da sinatura electrónica deste documento

A XUNTA DE GOBERNO LOCAL, P.D.

Concelleiro delegado responsable de Economía e Planificación Estratégica

José Manuel Lage Tuñas